



CONVENIO DE COLABORACIÓN PARA A CREACIÓN DO PLATÓ ONLINE GALICIA MICE NA CIDADE DA CULTURA PARA A REALIZACIÓN DE EVENTOS VIRTUAIS

En Santiago de Compostela, a 20 de novembro de 2020

REUNIDOS

Dunha parte a **FUNDACIÓN CIDADE DA CULTURA DE GALICIA**, con domicilio social en Cidade da Cultura de Galicia situada en Santiago de Compostela, Monte Gaiás s/n, e provisto do NIF G15721640.

Está representada neste acto por D^a. Ana Isabel Vázquez Reboredo, na súa condición de Directora Xerente, conforme aos poderes outorgados ao efecto polo Padroado da Fundación na sesión do 16 de decembro de 2016.

E doutra parte, **ASOCIACIÓN DE ORGANIZADORES PROFESIONALES DE CONGRESOS DE GALICIA** con domicilio social en Avenida Primo de Rivera, nº 11, 2º Esquerda (15006) de A Coruña provista do Número de Identificación Fiscal G15488711, inscrita no Rexistro Central de Asociacións sen ánimo de lucro, o 09 de xuño de 1994 co número 2.356.1994.

Está representada neste acto por Ana García Calvo con DNI en calidade de Presidenta en virtude do poder outorgado en data de 12 de xaneiro de 2017.

As partes, segundo interveñen, se recoñecen, mutua e reciprocamente, a capacidade legal necesaria e a representación suficiente para formalizar o presente Convenio de Colaboración (o "Convenio"), e ao efecto

EXPOÑEN

I.- Que a **Fundación Cidade da Cultura de Galicia** foi constituída o 27 de decembro de 1999, como organización de natureza fundacional, sen ánimo de lucro, cun patrimonio afecto de maneira duradeira á realización dos fins de interese xeral propios da institución.

Mediante a Orde da Consellería da Presidencia, Relacións Institucionais e Administración Pública do 11 de xaneiro de 2000, (DOG núm. 11 do 18 de xaneiro), clasificouse a Fundación Cidade da Cultura de Galicia como cultural e adscribiuse á Consellería de Cultura. Por Orde da Consellería de Cultura do 19 de xaneiro de 2000 (DOG núm. 26 do 8 de febreiro) declarouse de interese galego e inscribiuse no rexistro de fundacións desta consellería co número 73.

Esta Fundación Cidade da Cultura de Galicia forma parte do sector público da Comunidade Autónoma de Galicia. Na actualidade está adscrita á Consellería de Cultura e Turismo que exerce o seu protectorado e cuxo conselleiro ostenta a presidencia do Padroado, órgano reitor máximo da Fundación.

II.- Que a Fundación Cidade da Cultura de Galicia ostenta a titularidade da "Cidade da Cultura de Galicia" (CdC), un innovador e vangardista complexo construtivo, de singular valor arquitectónico e cultural, deseñado por Peter Eisenman, situado no monte Gaiás en Santiago de Compostela. A CdC inclúe diversas edificacións, infraestruturas, viais e zonas verdes, representando en conxunto un proxecto estratéxico de gran importancia dentro da vida cultural da Comunidade Autónoma de Galicia.

Segundo o artigo 6 dos estatutos da Fundación Cidade da Cultura de Galicia constitúe o seu obxecto social *"a creación, explotación e promoción de áreas ou centros de conservación, produción, exhibición e consumo cultural, comunicativo e tecnolóxico, que constitúa un espazo multifuncional, multidisciplinar e aglutinador, propicio á interacción cultural"*.

Para a consecución dos fins mencionados no apartado anterior, a fundación pode realizar, entre outras, as seguintes actividades:





- a) *As necesarias para converterse nun actor clave na difusión cultural, que serva de punto de encontro entre os cidadáns e a cultura.*
- b) *As que contribúan a desempeñar un papel destacado no proceso de enriquecemento/aprendizaxe cultural da cidadanía, con especial énfase na adopción e uso das novas tecnoloxías.*
- c) *As que fomenten a interrelación e os proxectos en conxunto entre axentes de distintos ámbitos das industrias culturais e creativas, con especial énfase na cooperación interrexional e a colaboración pública e privada.*
- d) *As axeitadas para posicionar o Gaiás como referente internacional de reflexión, debate e formación no ámbito da innovación na xestión cultural, que contribúa á profesionalización dos diferentes axentes e das súas iniciativas.*

O Gaiás está intimamente ligado ao fomento das Industrias Culturais en toda a súa extensión, con especial énfase en proxectos que favorezan o crecemento económico e a creación de emprego, actuando como elementos vehiculares na transmisión da identidade cultural, aspecto este esencial na difusión e promoción da diversidade cultural e a súa transferencia aos sectores máis maduros do tecido.

Igualmente, como entidade adscrita á Consellería de Cultura, Educación e Universidade, participa dos obxectivos previstos por dita Consellería no Plan de reactivación dos sectores cultural e turístico fronte aos efectos derivados da COVID-19.

III.- Que ASOCIACIÓN DE ORGANIZADORES PROFESIONALES DE CONGRESOS DE GALICIA é unha asociación sen ánimo de lucro inscrita no Rexistro Central de Asociacións sen ánimo de lucro, o 09 de xuño de 1994 co número 2.356.1994. Baixo a marca Galicia Mice, a Asociación engloba e representa os intereses de distintos asociados do sector da organización de eventos e congresos, vela pola mellora da calidade e máis na posta en valor dos servizos que no eido da organización profesional de congresos se desenvolven en Galicia.

Na procura dese obxectivo organiza actividades que afondan na mellora da cualificación do sector e máis na divulgación de Galicia como destino para a organización de congresos.

IV.- Que ASOCIACIÓN DE ORGANIZADORES PROFESIONALES DE CONGRESOS DE GALICIA asinou coa Axencia de Turismo de Galicia (Consellería de Presidencia, Xustiza e Turismo) un convenio de colaboración para impulsar a reactivación de Galicia como destino para o turismo de congresos, eventos, feiras ou reunións.

O acordo, enmarcado no Plan de reactivación dos sectores cultural e turístico fronte aos efectos derivados da COVID-19, inclúe unha batería de accións entre as que destaca a reactivación do portal Galicia MICE, centrado en facilitar a localización de recursos para os promotores de congresos, eventos ou reunións, iniciativas para impulsar a comunidade como destino para este tipo de actividades, así como a creación dun estudio online na Cidade da Cultura que favorecerá a realización de eventos virtuais.

O Plan de reactivación dos sectores cultural e turístico recolle como medida principal da acción da Axencia Turismo de Galicia neste ano 2020 o programa Galicia, destino Seguro, establecendo a implementación dunha serie de medidas que convertan e difundan a idea de Galicia como un territorio seguro e incentiven a visita segura a Galicia.

Na medida 13, como acción de promoción e de reactivación da demanda, inclúese o impulso do turismo MICE (reunións, incentivos, congresos e feiras), a través dun acordo de colaboración para a promoción do sector MICE.





V.- Que, visto o anterior, a Fundación Cidade da Cultura de Galicia, en cumprimento dos obxectivos derivados do convenio entre a Axencia Turismo de Galicia e a ASOCIACIÓN DE ORGANIZADORES PROFESIONALES DE CONGRESOS DE GALICIA, así como do Plan de reactivación dos sectores cultural e turístico, puxo a disposición da ASOCIACIÓN DE ORGANIZADORES PROFESIONALES DE CONGRESOS DE GALICIA, os espazos indicados máis adiante, para a instalación do Plató online Galicia MICE, unha ferramenta alternativa que permita a realización de congresos e eventos virtuais, un centro de reunións que, a modo de plató, poida ser usado polo conxunto do sector MICE de Galicia. Para elo, ambas partes asinaron un convenio o 15 de setembro de 2020, vixente ata o 31 de decembro de 2021, sen posibilidade de prórroga do mesmo. A cláusula décimo sexta (vixencia), establecía o seguinte; “ *A vixencia do presente acordo se circunscribe á duración prevista para a realización do obxecto do convenio e os días precisos para a realización da montaxe e desmontaxe do plató Galicia Mice. En calquera caso, o convenio producirá efectos dende a súa sinatura e a vixencia do convenio se limita ao 31 de decembro de 2020, data a partir da que o mesmo quedará sen efecto.* [...]”

VI.- Que non obstante o anterior, faise necesario que a cesión se estenda ata o 31 de xaneiro de 2021 para favorecer ao sector congresual e impulsar a reactivación de Galicia como destino para o turismo de congresos, eventos, feiras ou reunións. Dado que non é posible promover a prórroga do convenio anterior, se promove a formalización dun novo convenio con mantemento do clausulado previsto para o asinado en setembro de 2020, pero cuxa vixencia se estenda ata o 31 de xaneiro de 2021.

VII.- Que, ambas partes están interesadas na sinatura do presente convenio para a cesión de espazo no Gaiás para a instalación dun plató on line para a realización de eventos virtuais, consonte coas seguintes:

CLÁUSULAS

PRIMEIRA.- OBXECTO

É obxecto do presente convenio a cesión temporal a título gratuito non exclusivo de espazos prevista na cláusula terceira, para a creación dun plató online Galicia MICE para a realización de congresos e eventos virtuais e telecongresos, vía en streaming.

En calquera caso, a xestión de dito espazo dependerá exclusivamente da Fundación, a cal deberá autorizar previamente, para cada evento que comunique a ASOCIACIÓN DE ORGANIZADORES PROFESIONALES DE CONGRESOS DE GALICIA ao propio Departamento de Eventos, o uso do espazo.

A Fundación poderá non autorizar o uso do espazo para eventos que poidan colisionar en datas ou en temáticas con outros xa programados na propia Cidade da Cultura de Galicia, ou que poidan perturbar a imaxe desta última.

Os espazos cedidos, incluído o seu plató, poderá ser empregado sen custe pola Fundación Cidade da Cultura de Galicia, cando os mesmos non estean sendo utilizados. No caso de utilización do plató, deberá comunicarse con suficiente antelación á ASOCIACIÓN DE ORGANIZADORES PROFESIONALES DE CONGRESOS DE GALICIA.

SEGUNDA.- OBRIGAS DE ASOCIACIÓN DE ORGANIZADORES PROFESIONALES DE CONGRESOS DE GALICIA

En virtude do presente convenio, ASOCIACIÓN DE ORGANIZADORES PROFESIONALES DE CONGRESOS DE GALICIA se obriga a:

- a) Realizar as actividades que lle son propias baixo a súa responsabilidade, segundo o establecido na lexislación vixente e de acordo coas boas prácticas e normas técnicas.
- b) Comunicar con antelación suficiente ao Departamento de Eventos da Fundación, as actividades ou eventos a realizar así como datas de realización, cambios no programa e demais información que se considere relevante, a fin de obter oportuno e preceptiva autorización por parte de dito Departamento. En calquera caso, como titulares do espazo e xestores do calendario de actividades da Cidade da Cultura de Galicia, a Fundación dará prioridade aos eventos a organizar por esta última.





- c) En canto promotor, será da súa responsabilidade a presentación das comunicacións e/ou obtención das oportunas autorizacións e licenzas ante os organismos competentes de acordo coa normativa. Igualmente farase cargo da definición dos aforos e a distribución dos espazos, en coordinación co titular dos mesmos.
- d) Farase cargo dos gastos relativos á contratación, dietas e/ou desprazamentos de todos os participantes, conferenciantes e invitados, así como do persoal técnico que estimen necesarios para a realización de congresos online, webinars, cursos, streamings, etc... que se emitan en directo.
- e) En canto promotor do evento, se encargará da xestión de inscricións aos eventos virtuais a través das canles que estime apropiadas.
- f) Coordinar a comunicación do evento coa Fundación a través do seu Departamento de Marketing e Comunicación: para elo a ASOCIACIÓN DE ORGANIZADORES PROFESIONALES DE CONGRESOS DE GALICIA informará por anticipado á Fundación das accións de comunicación e deberán remitir, todos os materiais de comunicación antes de ser editados, nomeando a tal efecto un representante, que coordinará co Departamento de Marketing e Comunicación da Fundación, toda clase de actos públicos de difusión e promoción do evento, tales como roldas de prensa ou actos con medios.
O responsable do evento se compromete á convocatoria dun representante da Fundación Cidade da Cultura a roldas de prensa ou actos de comunicación pública que realice para de difusión e promoción do plató on line.
- g) Compromiso de incluír, en todo o material divulgativo e publicitario que se edite, os logotipos da Fundación Cidade da Cultura de Galicia, Xunta de Galicia e Xacobeo 2021 en calidade de entidade colaboradora.
- h) Limitar as actividades que afecten ás áreas e instalacións comúns dentro do complexo da Cidade da Cultura de Galicia, á programación comunicada previamente á Fundación.
- i) Aplicación dos protocolos sanitarios que lle sexan de aplicación en canto organizadores do Plató Galicia Mice.
- j) Compromiso de autorizar a Fundación Cidade da Cultura, a tomar fotografías e imaxes de vídeo, como mínimo, durante os primeiros tres minutos de cada evento a realizar, así como a concesión sen custe para a Fundación de dereitos para distribuír estas imaxes a medios de comunicación e para ser empregadas pola Cidade da Cultura para a promoción das súas actividades nos soportes físicos e dixitais que considere (web, redes sociais, folletos, arquivo, etc...). Para este fin, a Fundación poderá contratar a profesionais que se encarguen de facer fotografías e vídeos, sempre sen perturbar aos técnicos no desenvolvemento dos seus traballos. A Fundación facilitará copia do devandito material a ASOCIACIÓN DE ORGANIZADORES PROFESIONALES DE CONGRESOS DE GALICIA.
- k) A conservación e seguridade dos bens materiais e inmateriais que custodie, sexan propios ou alleos, e que depositen nos espazos cedidos pola Fundación, nos aspectos non previstos no contrato de seguro subscrito pola Fundación Cidade da Cultura de Galicia. Para elo, ASOCIACIÓN DE ORGANIZADORES PROFESIONALES DE CONGRESOS DE GALICIA deberá ter subscrita unha póliza de seguro que cubra de forma suficiente os riscos sobre mobiliario, efectos e equipamento, de calquera tipo, do que sexa propietaria ou sobre os que teña a responsabilidade de mantemento e coidado que se encontren dentro das dependencias nas que se realizarán as actividades asociadas aos eventos virtuais na CDC. Igualmente contratarán unha póliza de seguro de responsabilidade civil e de danos relativa á actividade a realizar, debendo acreditar que conta cos seguros necesarios para garantir a cobertura de todo tipo de continxencias (persoais e sobre equipos, infraestruturas e mobiliario) que poidan ocorrer durante o evento e na fase de montaxe e desmonte do mesmo.
- l) Contratar ao seu cargo ao persoal que deba encargarse da recepción, almacenaxe e vixilancia do material almacenado pertencente a terceiros, así como aos técnicos que precisen para o correcto desenvolvemento dos eventos virtuais a realizar no plató.
- m) Xestionar e coordinar ao persoal contratado por ASOCIACIÓN DE ORGANIZADORES PROFESIONALES DE CONGRESOS DE GALICIA, o cal dependerá exclusivamente da mesma e terá todos os dereitos e deberes inherentes á súa condición de empregador, sendo a FUNDACIÓN do todo allea as devanditas relacións laborais. Incumbe especificamente ao empregador o cumprimento das disposicións vixentes en materia laboral, de Seguridade Social, e de seguridade e saúde no traballo.
- n) Identificar persoas, empresas e vehículos aos sos efectos de emisión da autorización de acceso ás instalacións da Cidade da Cultura de Galicia. Igualmente dotará ao persoal propio ou alleo dos





medios de identificación e acreditación necesarios para facilitar a vixilancia e seguridade do complexo da CdC.

- o) Non ceder a terceiros ningún tipo de dereito de uso de instalacións ou imaxe corporativa, incluídos os dereitos de imaxe do complexo, sen autorización expresa da Fundación.
- p) Xestionar e coordinar as medidas de prevención de riscos laborais segundo a normativa vixente.
- q) Incorporarse ao Plan de Emerxencia e Evacuación xeral do recinto.
- r) Seguir as directrices da Fundación Cidade da Cultura de Galicia con respecto á imaxe institucional corporativa da CdC para mantemento dunha unidade formal neste campo coa Fundación Cidade da Cultura de Galicia.

TERCEIRA.- OBRIGAS DA FUNDACIÓN CIDADE DA CULTURA DE GALICIA

En virtude do presente convenio, a FUNDACIÓN se obriga a:

- a) A cesión temporal a título gratuito non exclusivo dos seguintes espazos:
 - 1. Salón de Convencións do edificio CINC da Cidade da Cultura de Galicia.
- b) Apoio á comunicación e publicidade do espectáculo cos medios propios que conta a Fundación.
- c) Comunicar as autorizacións de uso de espazo con antelación suficiente á ASOCIACIÓN DE ORGANIZADORES PROFESIONALES DE CONGRESOS DE GALICIA, así como os eventos propios a realizar pola Fundación ou a Consellería de Cultura, Educación e Universidade, así como o calendario de eventos propios fixados e autorizados xa dende a FUNDACIÓN, tamén con antelación suficiente, aos efectos de orientar sobre a dispoñibilidade de datas.
- d) Declarar que os espazos cedidos en virtude do presente convenio se encontran en perfecto estado e en condicións de servir ao uso ao que se destinan.
- e) Mantemento das instalacións, agás no caso do equipamento propio de ASOCIACIÓN DE ORGANIZADORES PROFESIONALES DE CONGRESOS DE GALICIA e do equipamento ordinario dos espazos.
- f) Contar cun seguro que cubra de forma suficiente a totalidade dos inmobles e instalacións fixas da CdC.
- g) A promoción da imaxe exterior e dos valores arquitectónicos da Cidade da Cultura de Galicia, así como a xestión dos dereitos de imaxe e marca.
- h) Velar pola consecución e mantemento dunha imaxe institucional corporativa común e de calidade para todos os centros ou entidades que desenvolvan as súas actividades no recinto da Cidade da Cultura de Galicia.
- i) O coñecemento e a coordinación das actividades que, aínda que xestionadas por ASOCIACIÓN DE ORGANIZADORES PROFESIONALES DE CONGRESOS DE GALICIA se desenvolvan nos espazos da Cidade da Cultura de Galicia, para facilitar a información e a atención aos visitantes.
- j) Autorización da sinalética no espazo onde se realizarán os eventos, dentro do complexo da CdC, para informar da/s ubicación/s onde se celebre o evento.

CUARTA.- OBRIGAS COMÚNS

ASOCIACIÓN DE ORGANIZADORES PROFESIONALES DE CONGRESOS DE GALICIA e a Fundación Cidade da Cultura de Galicia obríganse a:

- a) Velar polo cumprimento das obrigas que resulten deste convenio, poñendo en funcionamento os mecanismos de control que permitan avaliar o seu cumprimento.
- b) Desenvolver, a través dos instrumentos máis adecuados, un ámbito de coordinación horizontal.

QUINTA.- FINANCIAMENTO

Ambas partes financiarán os gastos derivados das obrigas que asumen con cargo aos seus orzamentos.

Serán por conta de ASOCIACIÓN DE ORGANIZADORES PROFESIONALES DE CONGRESOS DE GALICIA ademais dos gastos de persoal dependente de ASOCIACIÓN DE ORGANIZADORES PROFESIONALES DE CONGRESOS DE GALICIA calquera que sexa o vínculo xurídico-laboral, o financiamento dos custos da súa actividade propia tales como custes asociados a invitados, conferenciantes,...., materiais publicitarios, material de oficina, material informático e de telecomunicacións,





equipamento (equipos técnicos e materiais), material eléctrico e material en xeral, os de comunicacións (postais ou telefónicas). Así mesmo serán por conta de ASOCIACIÓN DE ORGANIZADORES PROFESIONALES DE CONGRESOS DE GALICIA a xestión das inscricións nos eventos virtuais, así como os gastos e ingresos relacionados co desenvolvemento no Gaiás.

Serán por conta da Fundación Cidade da Cultura de Galicia os custos ordinarios correspondentes á seguridade, limpeza, mantemento das instalacións, seguros (excepto o de responsabilidade patrimonial ou o relativo aos bens propios ou en depósito custodiados por ASOCIACIÓN DE ORGANIZADORES PROFESIONALES DE CONGRESOS DE GALICIA) ou impostos que afecten ao inmovible.

SEXTA.- MODIFICACIÓNS OU OBRAS NAS INSTALACIÓNS

Salvo que a Fundación Cidade da Cultura de Galicia o autorice previamente, por escrito, non se permitirán obras ou modificacións das instalacións cedidas temporalmente a ASOCIACIÓN DE ORGANIZADORES PROFESIONALES DE CONGRESOS DE GALICIA.

Non se permite a colocación de elementos que modifiquen a uniformidade ou estética dos espazos cedidos e ASOCIACIÓN DE ORGANIZADORES PROFESIONALES DE CONGRESOS DE GALICIA será o único responsable de cantos danos físicos ou materiais se ocasionen ás instalacións ou a terceiros, como consecuencia directa ou indirecta da súa actividade, eximindo de toda responsabilidade a Fundación Cidade da Cultura de Galicia.

SÉTIMA.- LIMPEZA

A Fundación conta cun servizo de limpeza ordinario para todo o recinto da Cidade da Cultura de Galicia; non obstante, mentres estea vixente o presente convenio de cesión de espazos, a limpeza extraordinaria das instalacións, espazos obxecto de cesión segundo figura no obxecto do convenio, corresponden na súa totalidade a ASOCIACIÓN DE ORGANIZADORES PROFESIONALES DE CONGRESOS DE GALICIA, quen asume a responsabilidade de contar, en todo momento, cos recursos materiais e humanos que aseguren que antes, durante e despois dos días de utilización o recinto afectado pola cesión quede en perfecto estado.

Unha vez finalizada a relación contractual, ASOCIACIÓN DE ORGANIZADORES PROFESIONALES DE CONGRESOS DE GALICIA deberá deixar os espazos e instalacións cedidas totalmente limpos de residuos; no caso de que ASOCIACIÓN DE ORGANIZADORES PROFESIONALES DE CONGRESOS DE GALICIA acumule entullos ou refugallos, procederá á súa recollida conforme as condicións orixinais dos espazos e instalacións obxecto de cesión, sen prexuízo de que de non producirse tal recollida, se facture á ASOCIACIÓN DE ORGANIZADORES PROFESIONALES DE CONGRESOS DE GALICIA este servizo en partida independente, segundo tarificación ordinaria.

OITAVA.- SEGURIDADE E CONTROL DE ACCESO AO ESPAZO

A Fundación conta cun servizo de seguridade ordinario para todo o recinto da Cidade da Cultura de Galicia, que continuará prestándose durante o período no que se ceden os espazos e instalacións.

O exercicio do dereito de admisión, ás instalacións e espazos cedidos durante o uso dos mesmos, corresponderá a ASOCIACIÓN DE ORGANIZADORES PROFESIONALES DE CONGRESOS DE GALICIA, se ben no caso de non permitir a entrada de calquera persoa á zona cedida, de xeito debidamente xustificado, ASOCIACIÓN DE ORGANIZADORES PROFESIONALES DE CONGRESOS DE GALICIA poderá contar coa colaboración do persoal de seguridade da FUNDACIÓN, co fin de asegurar o abandono das instalacións das persoas non admitidas.

ASOCIACIÓN DE ORGANIZADORES PROFESIONALES DE CONGRESOS DE GALICIA é responsable do trato que o persoal ao seu cargo dispense ao público asistente.

NOVENA.- PLAN DE ACTUACIÓN ANTE EMERXENCIAS

En cumprimento da normativa aplicable en materia de autoprotección, a Fundación dispón dun Plan de actuación ante emerxencias vixente para o conxunto de edificacións e áreas urbanizadas do complexo do Gaiás.





En todo caso, ASOCIACIÓN DE ORGANIZADORES PROFESIONALES DE CONGRESOS DE GALICIA deberá elaborar un plan de emerxencia propio para a actividade, en función das características da actividade e no caso de ser necesario de acordo coa normativa vixente.

DÉCIMA.- MANTEMENTO

Durante a utilización das instalacións e dos espazos cedidos, ASOCIACIÓN DE ORGANIZADORES PROFESIONALES DE CONGRESOS DE GALICIA será responsable da conservación e mantemento das zonas afectadas por cesión asumindo o compromiso de mantelas en perfecto estado en todo momento. Se ao final do período de utilización das instalacións e dos espazos cedidos se tivese deteriorado algunha instalación ou espazo, a ASOCIACIÓN DE ORGANIZADORES PROFESIONALES DE CONGRESOS DE GALICIA comprométese a repoñelas á súa costa ao seu estado orixinal.

En todo caso, na data de sinatura do presente documento, ASOCIACIÓN DE ORGANIZADORES PROFESIONALES DE CONGRESOS DE GALICIA deberá acreditar a constitución dunha póliza de seguros de responsabilidade civil, para responder dos danos persoais e materiais derivados da utilización dos espazos e instalacións cedidos e das actividades organizados pola ASOCIACIÓN DE ORGANIZADORES PROFESIONALES DE CONGRESOS DE GALICIA acreditación realizarase mediante a presentación da copia da póliza e xustificante do pago da prima de contratación do seguro.

UNDÉCIMA.- CONDICIÓN DE UTILIZACIÓN DOS ESPAZOS E INSTALACIÓN CEDIDOS

En ningún caso a utilización por ASOCIACIÓN DE ORGANIZADORES PROFESIONALES DE CONGRESOS DE GALICIA das instalacións ou espazos obxecto deste convenio poderá alterar o normal funcionamento de servizos e actividades da Fundación e da Cidade da Cultura de Galicia, nin poderá afectar a salas de exhibición temporal de fondos daquela cando nestas se estean a celebrar exposicións.

A Fundación establece os seguintes requisitos necesarios para formalizar a cesión das instalacións e espazos solicitados, que deberán ser aceptados por ASOCIACIÓN DE ORGANIZADORES PROFESIONALES DE CONGRESOS DE GALICIA:

- ASOCIACIÓN DE ORGANIZADORES PROFESIONALES DE CONGRESOS DE GALICIA deberá respectar os horarios de apertura e peche das instalacións establecidos pola Fundación; en todo caso o acceso a zonas comúns e de traballo estarán dispoñibles os días hábiles que anualmente determina o calendario laboral local.
- Trala finalización da relación contractual ASOCIACIÓN DE ORGANIZADORES PROFESIONALES DE CONGRESOS DE GALICIA deixará os espazos nas mesmas condicións nas que se encontraban no momento da súa ocupación polo cesionario.
- Cumpríranse todas as normas establecidas pola Fundación para a seguridade, e no seu caso a conservación, cuxo incumprimento supón a resolución do convenio.

DUODÉCIMA.- DIFUSIÓN DE IMAXES DA CIDADE DA CULTURA DE GALICIA

A reprodución, difusión e comunicación das imaxes, sons, ou documentación por parte de ASOCIACIÓN DE ORGANIZADORES PROFESIONALES DE CONGRESOS DE GALICIA en canto inclúa referencias ou imaxes, externas ou internas das instalacións, espazos ou zonas correspondentes á Fundación en calquera medio de difusión impreso, audiovisual, Internet, ou en calquera soporte, físico ou virtual, requirirá a aprobación expresa e por escrito da Fundación.

DÉCIMO TERCEIRA.- CESIÓN E SUBCONTRATACIÓN

En ningún caso se admite a cesión ou subcontratación dos espazos ou instalacións obxecto do presente convenio.

DÉCIMO CUARTA.- PROTECCIÓN DE DATOS E CONFIDENCIALIDADE

As partes intervinientes manifestan ter sido informadas, respecto dos seus propios datos persoais que se faciliten para a formalización e o adecuado desenvolvemento deste convenio, conforme ao disposto no artigo





13 do Regulamento 2016/679 (UE) xeral de protección de datos persoais (en diante, RXPd). A lexitimación para o tratamento dos datos seus datos, será a execución do presente contrato.

No caso de que, no ámbito deste convenio, os intervenientes se facilitasen respectivamente datos persoais de terceiros, incluídos os relativos ao persoal ao seu servizo, estes serán tratados para o cumprimento dunha misión de interese público ou o exercicio de poderes públicos, debendo informar previamente á súa comunicación aos interesados.

Ambas as partes comprométese a dar cumprimento á normativa vixente en cada momento de protección de datos persoais, de conformidade co especificado no Regulamento (UE) 2016/679 do Parlamento Europeo e do Consello do 27 de abril de 2016 relativo á protección dos datos persoais e á libre circulación destes datos (en diante, RXPd), a Lei orgánica 3/2018, do 5 de decembro, de protección de datos persoais e garantía dos dereitos dixitais e demais normativa concordante que sexa de aplicación. No caso de que, para a prestación dos servizos obxecto do presente convenio, fora necesario que calquera dos asinantes accedese a datos persoais dos que resultase responsable a outra parte, darán cumprimento ás obrigas previstas no artigo 28 do RXPd, e en ningún caso os aplicarán ou utilizarán para fins distintos ao obxecto do presente convenio.

As partes intervenientes deberán respectar o segredo profesional e, en consecuencia, manter absoluta confidencialidade e reserva sobre a totalidade dos documentos e informacións que lle foran confiados para a formalización do convenio ou que sexan elaborados con ocasión da execución do mesmo. Así, quedan expresamente obrigadas:

- a utilizar a devandita información exclusivamente no ámbito deste convenio e para as finalidades previstas no mesmo;
- a non comunicala, nin total nin parcialmente, a ningún terceiro sen autorización expresa do emisor salvo nos casos expresamente previstos na lei, esixindo idéntico compromiso ao persoal que empregue ou co que colabore na execución do convenio;
- a facilitar o acceso á información unicamente ao persoal que a necesite para o desenvolvemento da devandita relación, a quen se comunicará a obrigación de tratar a información á que se lles dá acceso con carácter estritamente confidencial;
- a aplicar medidas de cautela e protección e destruír en calquera momento a documentación escrita recibida se así o solicita a parte que a forneceu;

Considerarase información confidencial aquela á que os intervenientes accedan en virtude do presente convenio, especialmente a de tipo técnico ou tecnolóxico, de produción, de mercadotecnia, administrativa, ou económico-financieira, sempre que non teña carácter público ou notorio. Este deber manterase durante un prazo mínimo de dez anos desde o coñecemento desa información.

DÉCIMO QUINTA.- COMISIÓN DE SEGUIMIENTO

Constituirase unha Comisión de Seguimento para facilitar o seguimento e cumprimento do Convenio. A Comisión de Seguimento estará formada por dous representantes de cada parte e actuará como órgano de vixilancia, seguimento e control do establecido neste convenio.

A Comisión reunirse tantas veces estime se necesario a convocatoria de calquera das partes, estando condicionada a periodicidade das súas reunións polos asuntos para tratar.

DÉCIMO SEXTA.- VIXENCIA

A vixencia do presente acordo se circunscribe á duración prevista para a realización do obxecto do convenio e os días precisos para a realización da montaxe e desmontaxe do plató Galicia Mice. En calquera caso, o convenio producirá efectos dende o 01 de xaneiro de 2021 e a vixencia do convenio se limita ao 31 de xaneiro de 2021, data a partir da que o mesmo quedará sen efecto.

O convenio conservará a súa vixencia no caso de que varíen a denominación, razón social ou natureza xurídica de calquera das entidades convenientes, sempre que as sucedan outras entidades que asuman as competencias sobre os espazos e as materias obxecto deste convenio.

A expiración do convenio polo transcurso do tempo pactado non outorga dereito a reclamar Indemnizacións.





As condicións da montaxe e instalación e traslado de persoal e materiais á Cidade da Cultura deberá autorizalo a Fundación de xeito expreso, polo que a empresa deberá presentar un proxecto escrito coas necesidades de instalacións que precise.

DÉCIMO SÉTIMA.- CAUSAS DE RESOLUCIÓN

Serán causas de resolución do presente acordo:

1. O acordo mutuo entre as partes.
2. O incumprimento sistemático e continuado das cláusulas contidas nel.
3. A non comunicación e solicitude de autorización previa ao Departamento de Eventos da Fundación, segundo o previsto na cláusula segunda apartado b).
4. A falsidade ou inexactitude dos datos e circunstancias subministrados á FUNDACIÓN.
5. A deficiencia no uso das instalacións e espazos cedidos.
6. A cesión ou subcontratación das instalacións ou espazos cedidos.
7. As disposicións normativas ou, de ser o caso, acordos polos que extingan as partes ou se dispoñan outros usos para a Cidade da Cultura de Galicia.
8. O incumprimento dalgunha das demais obrigas contidas no presente acordo ou na normativa civil aplicable.
9. A denegación das autorizacións e licenzas que procedan, así como os demais incumprimentos da normativa reguladora en materia de espectáculos públicos e actividades recreativas.
10. Calquera infracción que atinxe directamente ao réxime de intervención pública no exercicio da actividade a desenvolver para os espazos cedidos (licenzas, autorizacións, comunicacións, declaracións responsables,...)

A resolución por incumprimento de ASOCIACIÓN DE ORGANIZADORES PROFESIONALES DE CONGRESOS DE GALICIA extingue o dereito deste a reclamar indemnización algunha por ningún concepto.

Tendo en conta ás circunstancias actuais derivadas da crise sanitaria provocada polo COVID19, establécense como posible causa de suspensión, as posibles vicisitudes que poidan derivarse dun rebrote da pandemia producida polo COVID19, e que determine un cambio nas datas programadas, de ser o caso. Segundo as circunstancias que se prevean e en función dos protocolos sanitarios que sexan de aplicación as restricións de movemento de persoas e bens por mor de potenciais futuras pandemias e dos prazos establecidos para ditas restricións, de chegar a producirse, as partes, de mutuo acordo, poderán optar pola realización da actividade noutra data ou ben pola resolución do convenio.

ASOCIACIÓN DE ORGANIZADORES PROFESIONALES DE CONGRESOS DE GALICIA non será responsable se por causas aleanas a esta, os eventos se deben suspender ou cancelarse. Non será responsable da falta de cumprimento das súas obrigacións cando estas se deban a sucesos que non puidesen preverse, ou que, previstos, fosen inevitables, ou impedimentos aleanos á súa vontade (tanto en casos de forza maior como de caso fortuíto, conforme ao previsto no Código Civil español).

O asinamento deste convenio non implica relación laboral, contractual ou de calquera outra índole entre a Fundación Cidade da Cultura e os profesionais que vaian desenvolver as actividades previstas no convenio ou terceiros que colaboren na realización do evento ben coa prestacións de servizos persoais e/ou profesionais, ou ben coa entrega de bens e subministracións a ASOCIACIÓN DE ORGANIZADORES PROFESIONALES DE CONGRESOS DE GALICIA de tal xeito que non se lle poderá esixir á Fundación Cidade da Cultura de Galicia, responsabilidade ningunha, nin directa nin subsidiaria, polos actos ou feitos acaecidos no desenvolvemento deste documento contractual.

DÉCIMO OITAVA.- NATUREZA XURÍDICA DO CONVENIO E XURISDICIÓN APLICABLE

O presente convenio queda excluído do ámbito de aplicación da Lei 9/2017, de 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, en virtude do disposto no seu artigo 6. O convenio rexerase polas súas propias cláusulas e a interpretación que das mesmas realice a Comisión de Seguimento, así como pola normativa xeral que resulte aplicable, aplicándose os principios da Lei 9/2017, de 8 de novembro, de contratos do Sector Público, pola que se traspoñen ao ordenamento





**XUNTA
DE GALICIA**

Fundación Cidade da Cultura de Galicia
Edificio CINC (3º andar), Monte Gaiás
15707, Santiago de Compostela
T.: (+34) 881 997 564, F.: (+34) 881 997 565
cidade.cultura@xunta.gal
www.cidadedacultura.gal



**FUNDACIÓN
CIDADE
DA CULTURA
DE GALICIA**

galicia

xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014 para resolución de dúbidas e lagoas que puidese presentarse.

As partes se comprometen a resolver de común acordo calquera controversia que puidera suscitarse sobre a interpretación ou execución deste Convenio.

As cuestións litixiosas xurdidas na aplicación do presente acordo, e non solucionadas na vía administrativa, serán resoltas pola xurisdición civil.

DÉCIMO NOVENA.- PUBLICIDADE

Este convenio de colaboración será obxecto de publicación na páxina web oficial correspondente, coa expresión da súa contía e finalidade, de acordo co disposto na Lei 1/2016, de 18 de xaneiro, de transparencia e bo goberno na Administración pública galega, e no Decreto 126/2006, do 20 de xullo, polo que se regula o Rexistro de convenios da Xunta de Galicia.

Neste sentido, as partes prestan expresamente o seu consentimento para que se lle dea ao presente Convenio a publicidade esixida.

E en proba de conformidade, asínase e rubrica o presente Convenio, e para un só efecto, no lugar indicado no encabezamento e na data de última sinatura.

Pola Fundación Cidade da Cultura

**Por Asociación De Organizadores Profesionales De
Congresos De Galicia**

**Ana Isabel Vázquez Reboredo
Directora Xerente**

**Ana María García Calvo
Presidenta**



Xacobeo 2021